

GUARDIA ZIBILEKO JENERALAK DIO GARAI HARTAN INTXAURRONDON EZ ZUELA LEHENENGO TOKIA BETETZEN

Dena ukatu du Galindok, baita guardia zibilak Iparraldean aritu zirela ere

■ Lasa eta Zabala bahitu zituzten garaian Donostiako komandantziako burua beste bat zela nabarmendu zuen

■ Bera Intxaurrondoko informazio zerbitzuko buru izan zen bitartean Iparraldean informazio lanik ez zutela egiten azaldu zuen

■ Elgorriagak bezala gazte tolosarren desagerpenaren berri prentsaren bidez jakin zuela esan zuen Guardia Zibileko jeneralak

Axun Erzibengoa / Madril
Berriemaile berezia

ENRIQUE RODRIGUEZ GALINDO Guardia Zibileko jeneralak bere burua eta berarentzat lan egiten zuten guardia zibilenak errugabetu nahi izan zituen atzo epaike-tako saioan. Bezperan Julen Elgorriagak egin bezala, fiskalaren eta defentsaren galderei bakarrik erantzun zien.

Sumarioan ageri denez, Guardia Zibileko Donostiako komandantzian talde antolatu bat zegoen errefuxiatuen bahiketak egin zituena, GALen adarretako bat. Talde horren arduraduna Enrique Rodriguez Galindo zela eta harentzat lan egiten zutenen artean Bayo, Dorado eta Angel Vaquero auzipetuak zeudela esaten da, besteak beste. Akusazio horiek indargabetzera bideratu zituen Galindok atzo bere erantzunak, eta legez kanpoko ekin-tzarik ez zela agindu esan zuen. Jesus Santos fiskala bezperan baino gogorrago aritu zen arren, Joxean Lasa eta Joxi Zabalaren desager-tzearen inguruko galdera ugari utzi zituen egin gabe.

Lehenik eta behin, Donostiako komandantziako burua bera ez zela azaltzen saiatu zen Galindo. Komandantziako burua teniente koronela zela esan zuen. Hala ere, 1980an Donostiara iritsi zenetik 1988an buru egin arte denbora askoan bertako guardia zibilak haren agin-duetara egon zirela argi gera-tu zen. Ondorio horretara heltzen lagundu zuten aku-sazio partikularren galde-rek. Haietan zehazten zenez, 1983tik 1988a bitartean bi teniente koronel egon ziren Donostian: batek hiru hilabe-te egin zituen, eta besteak urtebete. Gainontzeko den-boran ez zuen inork bete ofi-zialki postu hori. Baina Galindok, fiskalari erantzute-an, onartu zuen teniente



J. HUESCA / EFE

Enrique Rodriguez Galindo jenerala Entzutegi Nazionalera iristean, deklaratzeko hitzordua iritsita.

koronela falta zenean berak betetzen zuela postu hori.

Iparraldera joatea debekatuta

Galindo 1983an informazio

zerbitzuko arduradun izatera pasatu zen, eta 30 lagunek osaturiko taldea zuen. «ETA-ren terrorismoa» kezka nagusi izan arren, lan bakoitzera-ko taldeak momentuan era-bakitzen zirela adierazi zuen

Galindok. Informazio zerbi-tzuko taldea osatzen zuten kideak Ipar Euskal Herrira joaten ziren galdetuta, Galin-dok ezezko borobila eman zuen. «Guztiz debekatuta zegoen Frantziara pasatzea,

baita erosketak egitera ere». Bayok instrukzioan deklaratu zuen Iparraldera joaten zirela informazio lanak egite-ra. Lekuko babestua den Jose Maria Velazquez Soriano guardia zibil ohiak ere dekla-

Berrehun galdera erantzunik gabe

■ Eider Goenaga / Madril
Bezperan Julen Elgo-rriaga Gipuzkoako go-bernadore zibil ohiak egin bezala, atzo Enri-que Rodriguez Galindo Generalak uko egin zion akusazio partiku-larraren eta herri aku-sazioaren galderei erantzuteari. 200 gal-deratik gora egin zi-tuzten bien artean, baina guztiak geratu

ziren erantzun gabe. Iñigo Iruinek 175 gal-dera inguru egin zi-tuen. Iruinek, bere galderekin, Galindok Lasa eta Zabalaren bahiketa, tortura eta hilketan zerikusia izan zuela azaldu zuen, erantzunik gabeko galdera horietan ema-niko datuen bidez.

Bestalde, Galindo-ren zenbait adierazpen

zalantzan jartzeko da-tuak ere eman zituen. Galindok, izan ere, Guardia Zibilak Tolo-san 1984ko urtarrila-ren 19tik aurrera egin-dako operazioa ETA politiko-militarraren kontra izan zela adie-razi zuen, eta batez ere Martin Barriosen bahiketa eta hilketa-ren inguruan egin ze-la. Iruinek, hiru galde-

ren bidez, arrazoizko zalantza bat piztu zuen. Iruinek galdetu zuen zergatik ziren atxilotu gehienak ETA militarrekoak, zergai-tik ez zen 30 atxilotue-tako inor prozesatu Martin Barriosen hil-ketagatik eta zergaitik 30 atxiloketa horien atestatuetan ez zen galdera edo aipamen bakar bat egiten Mar-

tin Barriosi buruz.

1985eko otsailean Intxaurrondoko buru ote zen galdegin zion, eta ondoren ea zer egin zuen Alacantetik bi gorpuei buruz ikerke-ta eskatzeko oharra iritsi zitzonean. Horri buruz ere, Iruinek gal-detu zion ea ez zuen aprobetxatu bera bu-ru izatea ikerketa hori «blokeatzeko».